



Համարը N 300
Տիպը Որոշում
Սկզբնաղբյուրը ՀՀՊՏ 1997.08.22/19
Ընդունող մարմինը ՀՀ կառավարություն
Ստորագրող մարմինը ՀՀ վարչապետ
Վավերացնող մարմինը ՀՀ Նախագահ
Ուժի մեջ մտնելու ամսաթիվը 01.08.1997

Տեսակը Հիմնական
Կարգավիճակը Գործում է
Ընդունման վայրը Երևան
Ընդունման ամսաթիվը 24.07.1997
Ստորագրման ամսաթիվը 24.07.1997
Վավերացման ամսաթիվը 24.07.1997
Ուժը կորցնելու ամսաթիվը

ՀՀ ԿԱՌԱՎԱՐՈՒԹՅԱՆ ՈՐՈՇՈՒՄԸ ՀԱՆՐԱՅԻՆ ՍՆԵԴԻ ԿԱԶՄԱԿԵՐՊՄԱՆ, ԳՅՈՒՂԱՏՆՏԵՍԱԿԱՆ ԱՐՏԱԴՐԱՆՔԻ ԵՎ ՍՊԱՌՈՂԱԿԱՆ ԱՊՐԱՆՔՆԵՐԻ ՇՈՒԿԱՆԵՐՈՒՄ ԱՌԵՎՏՐԻ ԿԱՆՈՆՆԵՐԻ ՄԱՍԻՆ

«Վավերացնում են»
Հայաստանի Հանրապետության
Նախագահ Լ. Տեր-Պետրոսյան
24 հուլիսի 1997 թ.

ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ԿԱՌԱՎԱՐՈՒԹՅՈՒՆ

Ո Ր Ո Շ ՈՒ Մ

24 հուլիսի 1997 թվականի N 300
քաղ. Երևան

**ՀԱՆՐԱՅԻՆ ՍՆՆԴԻ ԿԱԶՄԱԿԵՐՊՄԱՆ, ԳՅՈՒՂԱՏՆՏԵՍԱԿԱՆ ԱՐՏԱՊՐԱՆՔԻ ԵՎ ՍՊԱՌՈՂԱԿԱՆ
ԱՊՐԱՆՔՆԵՐԻ ՇՈՒԿԱՆԵՐՈՒՄ ԱՌԵՎՏՐԻ ԿԱՆՈՆՆԵՐԻ ՄԱՍԻՆ**

Հանրապետությունում հանրային սննդի կազմակերպումը, գյուղատնտեսական արտադրանքի և սպառողական ապրանքների շուկաներում առևտուրը կանոնակարգելու, գյուղատնտեսական արտադրանքի իրացումը բարելավելու, գյուղատնտեսական արտադրանք արտադրողների շահերը պաշտպանելու նպատակով Հայաստանի Հանրապետության կառավարությունը **որոշում է.**

1. Հայաստանի Հանրապետության արդյունաբերության և առևտրի նախարարությանը՝ համաձայնեցնելով Հայաստանի Հանրապետության ֆինանսների և էկոնոմիկայի նախարարության հետ, մինչև 1997 թվականի օգոստոսի 1-ը հաստատել հանրային սննդի կազմակերպման կանոնները, գյուղատնտեսական արտադրանքի շուկաներում առևտրի կանոնները և սպառողական ապրանքների շուկաներում առևտրի կանոնները:

2. Հայաստանի Հանրապետության մարզպետներին և Երևանի քաղաքապետին՝ Հայաստանի Հանրապետության արդյունաբերության և առևտրի նախարարության կողմից սահմանված ձևով եռամսյակը մեկ անգամ նախարարություն և Հայաստանի Հանրապետության հարկային տեսչություն ներկայացնել տեղեկատվություն մարզի (Երևան քաղաքի) տարածքում գործող հանրային սննդի ձեռնարկությունների, գյուղատնտեսական արտադրանքի և սպառողական ապրանքների շուկաների մասին:

3. Թույլատրել գյուղատնտեսական արտադրանքի շուկաներում տեղակայված խանութների և կրպակների միջոցով իրականացնել նաև պարենային և ոչ պարենային ապրանքների վաճառք՝ Հայաստանի Հանրապետության արդյունաբերության և առևտրի նախարարության հաստատած ցանկով:

4. Սահմանել, որ հանրապետությունում գյուղատնտեսական արտադրանքի նոր շուկաների ստեղծման թույլտվությունը սահմանված կարգով տալիս են քաղաքային և գյուղական համայնքների ղեկավարները, իսկ Երևան քաղաքում Երևանի քաղաքապետը՝ համաձայնեցնելով Հայաստանի Հանրապետության արդյունաբերության և առևտրի նախարարության հետ:

5. Հայաստանի Հանրապետության արդյունաբերության և առևտրի նախարարությանը, Հայաստանի Հանրապետության կառավարությանն առընթեր տեղեկատվության և գրահրատարակչության վարչությանը՝ սույն որոշման 1-ին կետում նշված կանոնների հաստատումից հետո կազմակերպել դրանց լուսաբանումը:

6. Սույն որոշումն ուժի մեջ է մտնում 1997 թվականի օգոստոսի 1-ից:

**Հայաստանի Հանրապետության
վարչապետ**

Ռ. Քոչարյան